

REGIONALNI STAMBENI PROGRAM - RSP

Broj: 04-36-1-134- 9861 /13

Datum: 08 -07- 2021

Na osnovu člana 70. stav (1) i (3) Zakona o javnim nabavkama – u daljem tekstu: Zakon („Službeni glasnik BiH“, broj: 39/14), a na Preporuku Komisije za javne nabavke, imenovane Rješenjem broj: 04-36-1-134-9574-2/13 od 28.12.2020. godine, Federalni ministar raseljenih osoba i izbjeglica **d o n o s i**

**O D L U K U**  
**O PONIŠTENJU POSTUPKA**  
**Izvođenje radova na izgradnji višeporodičnog stambenog objekta**  
**u općini: Lot 5 – Vogošća (1 zgrada – 27 stanova),**  
**u okviru Regionalnog stambenog programa - RSP,**  
**BiH6 Pod-projekta, 17/20-RSP-BIH6**

**LOT 5**

**I**

Poništava se postupak javne nabavke za Izvođenje radova na izgradnji višeporodičnog stambenog objekta u općini: Lot 5 – Vogošća (1 zgrada – 27 stanova), u okviru Regionalnog stambenog programa - RSP, BiH6 Pod-projekta, 17/20-RSP-BIH6, jer je cijena dostavljene prihvatljive ponude iznad procijenjene vrijednosti radova za predmetnu nabavku, u skladu sa članom 69. stav (2) tačka e) ZJN.

**II**

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona.

**O b r a z l o ž e n j e**

Postupak nabavke pokrenut je Odlukom o pokretanju postupka nabavke, broj: 04-36-1-134-9574/13 od 22.12.2020. godine. Javna nabavka provedena je putem otvorenog postupka. Predmet nabavke podijeljen je na šest LOT-ova. Ukupna procijenjena vrijednost nabavke iznosila je 7.188.653,00 KM, bez PDV-a i predviđena je Planom javnih nabavki za 2020. godinu u okviru Regionalnog stambenog programa, pod rednim brojem 17/20-RSP-BIH6.

Procijenjena vrijednost nabavke za Lot 5 je iznosila 1.874.663,00 KM. Obavijest o nabavci, broj: 668-1-3-117-3-142/20 poslana je na objavu 22.12.2020. godine, te je zajedno sa tenderskom dokumentacijom istog dana objavljena na portalu javnih nabavki. Sažetak Obavještenja o nabavci objavljen je u „Službenom glasniku BiH – Oglasnik javne nabavke“, broj: 84/20.

Komisija je dala preporuku Projekt menadžeru da se donese Odluka o izboru najpovoljnijeg ponuđača za LOT 5 (Zapisnik o pregledu i ocjeni ponuda Komisije, broj: 04-36-1-134-9692-4/13 od 26.02.2021.godine). Na osnovu Preporuke Komisije, donešena je Odluka o izboru najpovoljnijeg ponuđača za LOT 5, broj: 04-36-1-134-9708-4/13 od 01.04.2021. godine. U žalbenom roku, na predmetnu Odluku izjavljena je žalba ponuđača i to: "ITC" D.O.O. ZENICA. Komisija je s dužnom pažnjom razmotrila sve žalbene navode žalitelja "ITC" doo Zenica, te je naknadnim, detaljnim uvidom u ponudu odabranog ponuđača utvrdila nedostatke na koje je žalitelj u svojoj žalbi ukazao, a koji su takve prirode da ponudu ponuđača SELA doo Sarajevo čine neprihvatljivom.

Komisija je sačinila Zapisnik o ponovnom pregledu i ocjeni ponuda po žalbi, broj: 04-36-1-134-9720-1/13 od 20.04.2021. godine, te je Ugovorni organ donio Odluku o djelimičnom usvajanju žalbe ponuđača, broj: 04-36-1-134-9720-1/13 od 20.04.2021. godine.

Ponovna E-aukcija je održana 27.05.2021. godine u 13:30 sati, te je komisija je konstatovala da je cijena dostavljene prihvatljive ponude iznad procijenjene vrijednosti radova za predmetnu nabavku. Vrijednost javne nabavke, procijenjena je na 1.874.663,00 KM, a cijena ponude ponuđača "ITC" D.O.O. ZENICA iznosi 2.207.750,17 KM (bez PDV-a), što je iznad procijenjene vrijednosti nabavke za 333.087,17 KM.

Komisija za javne nabavke, imenovana Rješenjem broj: 04-36-1-134-9574-2/13 od 28.12.2020. godine dostavila je Projekt menadžeru Zapisnik o pregledu i ocjeni ponuda, broj: 04-36-1-134-9766/13 od 04.06.2021. godine, zajedno sa Preporukom da se donese Odluka o poništenju postupka, za predmetnu nabavku.

S obzirom na to da je cijena dostavljene prihvatljive ponude iznad procijenjene vrijednosti radova za predmetnu nabavku ispunjeni su uslovi za poništenje predmetnog postupka nabavke, u skladu sa članom 69. stav (2) tačka e) Zakona.

Uzimajući u obzir naprijed navedeno, odlučeno je kao u dispozitivu ove odluke.

### **POUKA O PRAVNOM LIJEKU:**

Protiv ove Odluke, ponuđač koji je učestvovao u postupku nabavke, može izjaviti žalbu Uredu za razmatranje žalbi Bosne i Hercegovine putem ugovornog organa Federalnog ministarstva raseljenih osoba i izbjeglica, u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

MINISTAR

dr. sci. Edin Ramić

Dostaviti:

- Učesniku u postupku
- Web stranica Ministarstva
- Grupa poslova za javne nabavke
- a/a